

Dumonda Nicolay concernent first responders en il chantun Grischun

Pervia da las cundiziuns geograficas poi en grondas parts dal chantun Grischun durar in tschert temp fin che las forzas da salvament professiunalas arrivaran al lieu en in cas d'urgenza. L'onn 2020 ha la Regenza grischuna incumbensà il Salvament alpin svizzer da stabilir l'organisaziun «First responders plus en il chantun Grischun». First responders èn gidantras e gidantras d'emprim agid organisads, che prestan il pli svelt pussaivel l'emprim agid a las pazientas ed als pazients en in cas d'urgenza, e quai avant che las forzas da salvament professiunalas arrivaran al lieu da l'accident. En cas d'ina interrupziun cardiovasculara u en cas d'in culp quinta mintga minuta.

Ils chantuns Tessin e Berna enconuschan er tals sistems e van schizunt in pass vinavant. Els instrueschan conscientamain la populaziun en curs da reanimaziun ed engaschan ella sco first responders en ils cas d'urgenza. En in cas d'urgenza vegnan las burgaisas ed ils burgais registrads alarmads via in'app, quai scursanescha il temp fin che l'agid professiunal arriva. Ultra da quai vegnan las organisaziuns a glisch blava (polizia, guardias da cunfin, pumpiers e.u.v.) equipadas cun defibrillaturs, perquai che la polizia arriva per il solit sco emprima al lieu da l'accident.

Durant l'ura da dumondas da la sessiun d'avust 2022 èsi vegnì respundì, che la Regenza saja pronta d'examinar, sch'in tal model, analog a quel dal chantun Tessin, pudess vegnir realisà er en il chantun Grischun.

Las sutsegnadras ed ils sutsegnaders drizzan perquai las suandantas dumondas a la Regenza:

1. È questa examinaziun avisada durant la sessiun d'avust 2022 gia vegnida fatga?
2. Datti gia emprimas evaluaziuns davart l'engaschament da quests first responders plus en il chantun Grischun? Sche gea, co guardan ora ils resultats?
3. Pudess la Regenza s'imaginar d'amplifitgar il sistem actual e d'integrar la populaziun? En tge spazi da temp pudess la populaziun vegnir scolada?
4. Co vul la Regenza garantir la disponibladad permanenta dals first responders plus?

Cuira, ils 12 da zercladur 2024

Nicolay, Hefti, Kienz, Atanes, Bachmann, Bardill, Baselgia, Beeli, Berther, Berthod, Berweger, Biert, Binkert, Bischof, Bisculm Jörg, Bleuler-Jenny, Brandenburger-Caderas, Bundi, Candrian, Collenberg, Crameri, Danuser (Cuira), Das, Della Cà, Derungs, Dietrich, Epp, Föhn, Gansner, Gredig, Heim, Hoch, Horrer, Jochum, Kaiser, Kocher, Kohler, Koppenberg, Kreiliger, Lamprecht, Lehner, Luzio, Mani, Mazzetta, Menghini-Inauen, Messmer-Blumer, Michael (Donat), Michael (Castasegna), Müller, Pfäffli, Preisig, Rauch, Rettich, Righetti, Rusch Nigg, Rutishauser, Said Bucher, Saratz Cazin, Schneider, Spagnolatti, Ulber, von Tschanner, Walser, Wilhelm, Zindel